

ვანის მუნიციპალიტეტის საკრებულოს ბიუროს რიგგარეშე სხდომის

ოქმი №10

ქ.ვანი, თავისუფლების ქ.№ 65

29.06.2021 წ.

ვანის მუნიციპალიტეტის საკრებულოს ბიუროს სხდომას თავმჯდომარეობდა საკრებულოს თავმჯდომარე - **ალექსანდრე ლილუაშვილი**.

სხდომას ესწრებოდნენ ბიუროს წევრები: *ალექსანდრე ლილუაშვილი, კობა ტოხვაძე, გელა ჩიკვაძე, ეთერი ჭიჭინაძე, გელა ღვიტიძე, ვლადიმერ ჭვალაძე, მალხაზ ცერცვაძე.*

(დანართი თან ერთვის)

სხდომას საპატიო მიზეზის გამო არ ესწრებოდნენ: *გელა ვარდოსანიძე, რამაზ არველაძე, გიორგი ივანიაძე, გიგა გოგიბერიძე, კობა ძაგნიძე.*

სხდომას ასევე ესწრებოდნენ:

საკრებულოს აპარატის იურიდიულ და საორგანიზაციო საკითხთა განყოფილების უფროსი - **ლუიზა ჯოგლიძე**.

საკრებულოს აპარატის იურიდიულ და საორგანიზაციო საკითხთა განყოფილების უფროსის მოადგილე იურიდიულ საკითხებში - **სალომე ფახურიძე**.

მოწვეული პირები:

ვანის მუნიციპალიტეტის მერიის საფინანსო-საბიუჯეტო სამსახურის უფროსი - **ივანე მამფორია**;

ვანის მუნიციპალიტეტის მერიის ეკონომიკის და მუნიციპალური ქონების მართვის სამსახურის უფროსი სპეციალისტი - **ზაზა ოჩხიკიძე**.

სხდომა 10⁰⁰-საათზე გახსნა საკრებულოს თავმჯდომარემ ალექსანდრე ლილუაშვილმა და წარმოადგინა საკრებულოს ბიუროს რიგგარეშე სხდომის დღის წესრიგის პროექტი:

დღის წესრიგი

1. „ვანის მუნიციპალიტეტის 2021 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2020 წლის 28 დეკემბრის N28 დადგენილებაში ცვლილების შეტანის თაობაზე;

მომხს: ივანე მამფორია

2. „საპილოტე რეგიონების ინტეგრირებული განვითარების სამთავრობო კომისიის მიერ გამოცხადებულ კონკურსში წარსადგენი, საპროექტო იდეების მოწონების შესახებ“

მომხს: ზაზა ოჩხიკიძე

ბიუროს სხდომის თავმჯდომარემ ალექსანდრე ლილუაშვილმა კენჭი უყარა 2021 წლის 29 ივნისის საკრებულოს ბიუროს რიგგარეშე სხდომის დღის წესრიგის პროექტს.

ღია კენჭისყრის შედეგი იყო შემდეგი:

მომხრე -7

წინააღმდეგი-არცერთი.

ბიუროს წევრი

დღის წესრიგი დამტკიცდა წარმოდგენილი სახით.

მოისმინეს: დღის წესრიგით წარმოდგენილ პირველ საკითხთან დაკავშირებით, ვანის მუნიციპალიტეტის მერიის საფინანსო-საბიუჯეტო სამსახურის უფროსმა-ივანე მამფორიამ წარმოადგინა „ვანის მუნიციპალიტეტის 2021 წლის ბიუჯეტის დამტკიცების შესახებ“ ვანის მუნიციპალიტეტის საკრებულოს 2020 წლის 28 დეკემბრის N28 დადგენილებაში ცვლილების შეტანის თაობაზე ინფორმაცია.

მომხსენებელმა განმარტა, რომ ბიუჯეტში ცვლილება განპირობებულია სტიქიის შედეგების სალიკვიდაციო ღონისძიებების განხორციელების თაობაზე საქართველოს მთავრობის 2021 წლის 11 მარტის N 330 განკარგულებაში, 2021 წლის 11 ივნისის N 969 განკარგულებით შეტანილი ცვლილებით, გამოყოფილი თანხის ბიუჯეტში ასახვის საჭიროებით:

- საგზაო ინფრასტრუქტურის განვითარება (პროგრამული კოდი 02 01) ასიგნება იზრდება 380,0 ათასი ლარით.

ზემოაღნიშნული ცვლილებებიდან გამომდინარე, მუნიციპალიტეტის შემოსულობები განისაზღვრება 13091,8 ათასი ლარით, გადასახდელები 14392,3 ათასი ლარით, ხოლო ნაშთის ცვლილება 1300,5 ლარით.

/დანართი თან ერთვის/

ბიუროს წევრების მხრიდან შენიშვნები არ დაფიქსირებულა.

ბიუროს სხდომის თავმჯდომარემ ალექსანდრე ლილუაშვილმა კენჭი უყარა დღის წესრიგის პირველ საკითხს.

ღია კენჭისყრის შედეგი იყო შემდეგი:

მომხრე -7

წინააღმდეგი-არცერთი.

ბიუროს წევრი.

ბიუროს წევრებმა მიიღეს გადაწყვეტილება აღნიშნული საკითხი შეტანილი იქნას 2021 წლის 29 ივნისის საკრებულოს რიგგარეშე სხდომის დღის წესრიგში.

/დანართი თან ერთვის/

მოისმინეს: დღის წესრიგით წარმოდგენილ მეორე საკითხთან დაკავშირებით, ვანის მუნიციპალიტეტის მერიის ეკონომიკის და მუნიციპალური ქონების მართვის სამსახურის უფროსმა სპეციალისტმა - ზაზა ოჩხიკიძემ წარმოადგინა „საპილოტე რეგიონების ინტეგრირებული განვითარების სამთავრობო კომისიის მიერ გამოცხადებულ კონკურსში წარსადგენი, საპროექტო იდეების მოწონების შესახებ“ განკარგულების პროექტი, რომლის მიხედვითაც მოწონებული იქნას „საპილოტე რეგიონების ინტეგრირებული განვითარების პროგრამით“ გათვალისწინებული, ვანის მუნიციპალიტეტის მერიის მიერ წარსადგენი 6 საპროექტო იდეების განაცხადი:

ა) უნიკალური პოტენციალის გამოყენებით ტურიზმის განვითარების ხელშეწყობის მიზნით - ქ. ვანში გივი ყიფიანის სახელობის ტყე-პარკის რეაბილიტაცია;

ბ) უნიკალური პოტენციალის გამოყენებით ტურიზმის განვითარების ხელშეწყობის მიზნით - ვანის მუნიციპალიტეტის სოფელ შუამთაში, შუამთა-ქედის დამაკავშირებელი გზის რეაბილიტაცია;

გ) ადგილობრივი ბიზნესის განვითარების ხელშეწყობი ინფრასტრუქტურის მოწყობის მიზნით სოფელ ფერეთაში ტურისტულ ზონამდე მისასვლელი გზის რეაბილიტაცია;

დ) ადგილობრივი ბიზნესის განვითარების ხელშემწყობი ინფრასტრუქტურის მოწყობის მიზნით სოფელ სალხინოში საოჯახო სასტუმროსა და შატო-მარანთან მისასვლელი საუბნო გზის რეაბილიტაცია;

ე) სოციალური ინფრასტრუქტურის გაუმჯობესების მიზნით ქ. ვანში თავისუფლების ქუჩაზე მდებარე სკვერისა და მასზე განთავსებული შენობის რეაბილიტაცია.

ვ) ეკონომიკური, კულტურული, სპორტული და საგანმანათლებლო მიზიდულობის არეალის განვითარების მიზნით ქ. ვანში ტაბიძის ქუჩაზე მდებარე სპორტული კომპლექსის რეაბილიტაცია.

მომხსენებელმა განმარტა, რომ საწყის ეტაპზე „საპილოტე რეგიონების ინტეგრირებული განვითარების სამთავრობო კომისიის მიერ გამოცხადებულ კონკურსში წარსადგენი პროექტების ჩამოყალიბება ხდება საწყის ეტაპზე იდეის დონეზე, რომელსაც კონკურსში წარვადგენთ საპროექტო იდეის განაცხადის სახით, რომლის მოწონების შემთხვევაში კონკურსში შერჩეულ იდეას ვაძლევთ პროექტის სახეს.

აზრი გამოთქვა: საკრებულოს თავმჯდომარემ ალექსანდრე ლილუაშვილმა აღნიშნა, რომ ჩვენს მუნიციპალიტეტში განსაკუთრებული ბუნებრივი ღირსეშესანიშნავი ადგილია ტაბაყუროს ტბა სოფ. ქვედა გორაში, რომელიც წელიწადის ყოველ დროს ლამაზია, შესაძლებელია ტბის ხელოვნური ნარჩენებისგან გათავისუფლება და მისი ტურისტულად მიმზიდველ და სარეკრეაციო დანიშნულების მქონე ადგილად ქცევა. აღნიშნული ბუნებრივი ძეგლი მისი მნიშვნელობიდან გამომდინარე მიესადაგება იმ საპროექტო წინადადებას/იდეას, რომელიც შესაბამისობაში მოვა საპილოტე რეგიონების ინტეგრირებული განვითარების სამთავრობო კომისიის საკონკურსო მოთხოვნებთან, რაც ვფიქრობ გასათვალისწინებელია სამომავლოდ მუნიციპალიტეტის პრიორიტეტების განსაზღვრის დროს საპროექტო იდეის სახით წარმოდგენის კუთხით.

აღნიშნულ მოსაზრება მოწონებული იქნა ბიუროს სხვა წევრების მხრიდან.

ბიუროს წევრების მხრიდან შენიშვნები არ დაფიქსირებულა.

ბიუროს სხდომის თავმჯდომარემ ალექსანდრე ლილუაშვილმა კენჭი უყარა დღის წესრიგის მეორე საკითხს.

ღია კენჭისყრის შედეგი იყო შემდეგი:

მომხრე -7

წინააღმდეგი-არცერთი.

ბიუროს წევრი.

ბიუროს წევრებმა მიიღეს გადაწყვეტილება აღნიშნული საკითხი შეტანილი იქნას 2021 წლის 29 ივნისის საკრებულოს რიგგარეშე სხდომის დღის წესრიგში.

(დანართი თან ერთვის)

დღის წესრიგით წარმოდგენილი საკითხების ამოწურვის შემდგომ ვანის მუნიციპალიტეტის საკრებულოს ბიუროს რიგგარეშე სხდომამ მუშაობა დაასრულა.

ალექსანდრე ლილუაშვილი

ვანის მუნიციპალიტეტის საკრებულოს ბიუროს სხდომის თავმჯდომარე